

# **PROPOSTA ORSAMENTU MINISTERIO INTERIOR PASA IHA PN**

Iha loron Tersa 7 Abril 2015, Parlamentu Nasional (PN), aprova ona proposta husi Ministerio do Interior nian ho montante PNTL 4.274 miloens, eskcludu PNTL 12.290.00 Miloens. Proposta ne'e, deputadu sira aprova ho maioria votus hamutuk 64, kontra zero (0) no abstensaun zero (0).

Antes halo aprovasaun, deputadu sira mos fo sujestaun diak no kestiona konaba failansu barak ne'ebe akontese durante ne'e, ba Ministerio do Interior. Husi bankada fretilin mos louva komandante Distritu tolu ne'ebe halo hela operasaun tarefas conjunta iha ponta leste, komandante hanesan Viqueque, Baucau no Manatuto, maibe em prinsipiu maka implemeta didiak. Sira mos lamenta tebes ho aktus CSP (Corpos SegurancaPessoal) balu ne'ebe dudu nia iha seremonia funeral D. Alberto Ricardo ne'e. tan ne'e, husu atu minimiza tiha CSP balu ne'ebe halo operasaun iha Dili laran ne'e.

Deputadu Aderito Hugo da Costa mos husu ba Ministerio Interior, atu hare fali operasaun ne'ebe lidera husi PNTL, iha evidencias lubuk ida ne'ebe halo ita preokupa nafatin ho atuasaun ne'e, operasaun ne'e la konsege hetan evidencia ne'ebe sufisiente para depois Ministeriu Publiku bele halo akuzasaun.

Hatan ba sujestaun nokestaun hirak ne'e, Ministru Interior, hatete "Iha ona ekipa husi servisu Investigasaun Kriminal ida, hamutuk ho prokurador ida maka indikadu para bele trata kestaun hirak ne'e iha terenu. Konaba informasaun iha Suku Saniri, ami sei verifika fali ho Komandante UPF atu halo relatoriu konaba informasaun husi membrus militar sira husi sorin, ne'ebe hakat mai. Konaba komportamentu esesus ne'ebe maka mosu durante iha operasaun aban hau sei konfirma mos ho komandante rua.

Komportamentu membru ida nian, labele jeneraliza ba membrus instituisaun tomak, nune'e mos ba iha CSP. Hanesan ser humanu ami rekonhese ida ne'e. maibe ami mos sei hola konsiderasaun ba insidentes ne'ebe maka mosu tanba estraga imajen instituisaun nian. Konaba deputadu Virgiliu nian, dehan katak orsamentu ne'ebe koloka iha Oecuse la sufisiente, ida ne'e hau sei diskuti fali ho Komando Jeral hodi halo kobertura ba sira nia nesesidade.

Primeiru Ministru mos hatutan konaba komportamentu CSP nian katak, laos tanba membrus governu sira hakarak atu hatudu an katak, Body Guard akompanha sira, maibe iha fatores rua ne'ebe determina atribuisaun seguransa pesoal nian. Ida maka kestaun protokolu, segundu maka risku seguransa nian. Izemplu konkretu maka akontese ba Sr. Prezidente Parlamentu Nasional iha Baguia komprova katak, se laiha membru CSP ida ne'ebe profesional, bele mosu konsekuensas oin seluk liu tan. tanba ida ne'e maka husi pontu de vista seguransa nian, iha fatores rua ne'ebe determina maka Protokolu no Seguransa.

Rezultadu votasaun ba orsamentu Ministeriu Interior, afavor 64 abstensaun zero no kontra zero, nune'e orsamentu Ministerio Interior Pasa.

Alende Ministeriu Interior no Ministeriu Deveza, Deputadu sira mos kestiona konaba, tinan-tinan, governu aloka Orsamentu Jeral Estado miloens ba miloens dollar amerikanu ba iha area infra-estrutura maibe too ohin loron dezentvolvimentu iha area infra-estrutura ladun iha mundansa signifikativu, lui-liu, estradas, pontes, agua saneamentu no mos dsitribuisaun enerjia eletrisiada suku barak mak seidauk hetan. Ho problema hirak nee governu hetan kritikas husi populasau, sociedade sivil, inklui representante povu iha uma fukun Parlamentu Nasional. AX

